

U frisgiu crunologicu

Asirciziu d'intruduzioni

Ogettivi pedagogichi

Capacità missi in baddu : ghjuvà si d'arnesi da raprisintà un prublema : disegni, schema, diagrammi , graffichi, scritturi cù parentesi, ecc.

Cumpitenzi missi in baddu : raprisintà.


Enunciatu

Eccu vi uni pochi di parsunaghji corsi famosi.

Vi tocca à metta li i so dati di nascita è di morti nant'à u frisgiu graduatu sottu quì.

Diciareti dopu qual'iddu hè u parsunaghju storicu u più vechju in a crunulugia (à pettu à a so data di nascita), u parsunaghju cuntempuraneu à Emmanuel Macron (natu in u 1977) è quiddi chì sò situati trà l'anni 1750 è 1950 (chì sò nati è morti trà issi dui dati).

- **Vannina d'Ornano** : Ghjuvannina d'Ornano, ditta Vannina, fù a mudderi di Samperu Corsu ; 1516, Santa Maria è Sichè - 1563, Marseglia.
- **Pasquale Paoli** : Merusaglia, 5 d'aprile 1725 – Londra, 5 di frivaghju 1807.
- **Napulione Bonaparte**, natu u 15 d'austu 1769 in Aiacciu è mortu u 5 di maghju 1821 nant'à l'isula di Santa Lena.
- **Fred Scamaroni** : Godefroy Scamaroni, natu in Aiacciu u 24 d'uttrovi 1914 è mortu in a citatella di a stessa città u 19 di marzu 1943.
- **Tiadoru di Neuhoff**, natu u 27 d'austu 1694 in Cologna è mortu l'11 di dicembri 1756 in Londra.
- **Jenifer**, di nomu cumpletu Jenifer Yaël Juliette Dadouche-Bartoli, nata u 15 di nuvembri 1982 in Nizza.
- **Tino Rossi** (Costantino Rossi) hè un cantadori è attori corsu, natu u 29 d'aprili 1907 in Aiacciu è mortu u 27 di sittembri 1983.
- **Samperu Corsu**, natu u 23 di maghju 1498 in Bastelica è mortu u 17 di ghjinnaghju 1567 da i parti d'Eccica Suareda.
- **Danielle Casanova**, nata Vincentella Perini u 9 di ghjinnaghju 1909 in Aiacciu è morta u 9 di maghju 1943 in dipurtazioni in Auschwitz.



Lessicu

Mudderi : épouse (dinò mugliere, moglie).

Frisgiu : frise.

Austu = aostu.

Frivaghju = farraghju = ferraghju.

Uttrovi : octobre.